



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Isaacio monacho Constantinopolitano, & Bretanionis Scythiae episcopi
in coarguendo austeritate. Cap. XXX.

urn:nbn:de:hbz:466:1-12704

Valés accepto libello supplici, & cognitis rebus, quæ in eo cõtinebantur, admodũ stomachatus, illum dilacerauit, iustitque vt alias res peteret. Terentius verò, collectis laceris libelli particulis, accepi, inquit, iam abs te, ò Imperator, donum, habeoque: neq; aliud petã. Nam quid ego animo iustituerim, iudicet ille, qui huius vniuersitatis iudex est.

De Traiani ductoris exercitus lingua libertate.
CAP. XXIX.

VAlens, vbi traiecto Bosphoro, venit in Thraciam, primũ quoniam bellum vehementer extimescebat, longo tempore Constantinopoli ipse cõmoratus est: Traianumque ducem contra Barbaros misit cũ exercitu. At postquã Traianus ab hostibus superatus reuertit, Valés illũ conuitijs valde lacerare, & mollitiem ignauiamque ei obijcere cœpit. At ille liberè, vt virum generosum decebat, nõ ego, inquit, ò Imperator victus sum, sed tu ipse prodidisti victoriam, qui contra deum aciem instruere non desinis, & ita eius auxilium Barbaris concilias. Nã abs te oppugnatus, se illis adiungit. Atque deum semper sequitur victoria, & ad eos accedit, quibus deus se ducem præbet. Non nosti, inquit, quos viros ecclesiis expuleris, & quibus eas tradideris? Ista quidè ita se habere & Arintheus, & Victor, qui duces quoq; erant, ingenue confessi sunt: imperatoremque hortati, ne reprehensiones cum veritate cõiunctas iniquo animo ferret.

*De Isaacio monacho Constantinopolitano, & Britanionis Scythiæ episcopi in coar-
guendo austeritate.*
CAP. XXX.

FErunt Isaacè, qui in eo loco cellam habebat monasticã, vbi vidit Valentem cum exercitu egredi, contenta voce ei dixisse: Quo proficisceris, ò imperator, qui auxilio dei, quem contra bellũ gesseris, prorsus destitutus es? Nam quoniã tu multorũ linguas ad blasphemias aduersus eum loquendas acuisisti, & pios laudibus illum celebrantes ecclesiis exturbasti, idcirco ille Barbaros aduersus te cõcitauit.

THEODOR. HISTOR.

tauit. Desine igitur tu bellum contra eum facere, & ipse bellum contra te commotum sedabit. Redde gregibus optimos pastores, & victoriam facile reportabis. Quod si his omnibus neglectis, bellum suscipias, rerum euentu experire, quàm durû sit contra stimulos calcitrare. Nam neq; ipse reuerteris, & exercitum præterea amittes. Cui admodum iratus imperator, reuertar, inquit, & te interficiam, falsęque prædictionis pœnas abs te repetam. Tum ille minas neutiquã veritus, clara voce, Eneca, inquit, si quid falsi me dixisse deprehenderis. Britannion quoque omni genere virtutis insigniter decoratus, totius Schytiaë episcopus, animo diuino pietatis amore accenso, pestiferam dogmatum Arianorum corruptelam, & iniqua facinora Valentis cõtra sanctos edita coarguit, & cû sanctissimo Dauide clamauit: Loquebar in testimoniis tuis in conspectu regum, & non confundebam.

Psal. 118

De Valentis exercitu contra Gothos misso, ac quomodo Valens impietatis pœnas persoluerit. CAP. XXXI.

AT Valens, optimis illis consiliariis spretis, exercitum in expeditionem præmisit: illeque ipse in pago quodam commoratus, victoriam expectauit. Cæterum milites eius Barbarorum impetum haudquaquam sustinentes terga dant, inque fuga trucidantur: Nam Barbari eos cum celeritate fugientes, quantû poterant, persequebãtur. Atq; ad pagum, in quo Valens de clade suorum certior factus, latitare conabatur, accedentes, igni iniecto, illum ipsum pietatis aduersarium vnã cum pago cremarunt. Hoc modo igitur impius ille tyrannus etiam in hac vita pœnas pro sceleribus luit.

Quid causa fuerit quod Gotthi in Arianorum errorem inciderint.

CAP. XXXII.

HOc loco, quemadmodû Barbari pestifera erroris Ariani pernicie infecti fuerint, arbitror operapretiû his, qui eius rei ignari sunt, enucleatè explanare. Vbi Istro transmiss-